

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Broj: 01-45-956/21

Z A P I S N I K
SA ČETVRTE SJEDNICE
GRADSKOG VIJEĆA ZENICA

- održane 11. januara 2021. godine -

Zenica, januar 2021. godine

**Zapisnik sa 4. sjednice Gradskog vijeća Zenica,
održane 11.01.2021. godine**

Sjednica je počela s radom u 10.00 sati.

Sjednicom je predsjedavao Almir Babajić, predsjedavajući Gradskog vijeća Zenica.

Na početku sjednice predsjedavajući Vijeća konstatovao je da sjednici prisustvuje 25 vijećnika, te da Vijeće može punovažno odlučivati. Odsustvo sa današnje sjednice najavili su vijećnici: Ibrahim Šišić, Šerif Patković, Emina Tufekčić i Malik Ejubović.

Predsjedavajući Vijeća je, prije prelaska na utvrđivanje prijedloga dnevnog reda, informisao vijećnike da je povodom saopštenja Stranke demokratske akcije, zamolio redakciju portala na kojem je objavljen članak u vezi vijećnice Emine Tufekčić da isti izbrišu, uz izvinjenje vijećnici Tufekčić, naglasivši da javno osuđuje svaku vrstu vrijeđanja vijećnika, Gradonačelnika i Gradske uprave u medijima i na lažnim profilima.

Za današnju sjednicu Vijeća predložen je sljedeći

D N E V N I R E D

1. Zapisnik sa 3. sjednice Gradskog vijeća Zenica održane 06.01.2021. godine
2. Vijećnička pitanja
3. Izvještaj o realizaciji projekata izgradnje, rekonstrukcije i održavanja cestovne infrastrukture za 2019. godinu
4. a) Izvještaj o provedenom postupku javnog nadmetanja radi prodaje neizgrađenog građevinskog zemljišta u Radnoj zoni Zenica I
b) Izvještaj o provedenom postupku (Ponovni javni konkurs) javnog nadmetanja radi prodaje neizgrađenog građevinskog zemljišta u Radnoj zoni Zenica I
5. Izvještaj o realizaciji ulaganja u oblast vodoprivrede na području Grada Zenica za 2019. godinu
6. a) Informacija o korištenju mjerne opreme i uređaja za monitoring kvalitete zraka sa prijedlogom ustupanja iste u trajno vlasništvo Univerzitetu u Zenici, OJ Institut Kemal Kapetanović
b) Prijedlog Odluke o ustupanju u vlasništvo Univerzitetu u Zenici – Organizaciona jedinica Metalurški institut „Kemal Kapetanović“ stalnih sredstava Grada Zenica - mjerne opreme i uređaja za monitoring kvalitete zraka
7. Prijedlog Odluke o utvrđivanju javnog interesa za uređenje korita rijeke Bosna u Zenici, dionica od željezničkog mosta u Lukovom Polju do mosta na magistralnom putu M-17, ukupne dužine 1900m
8. Prijedlog Odluke o utvrđivanju javnog interesa – izgradnja vodovoda Vrselje
9. Prijedlog Odluke o utvrđivanju javnog interesa za eksproprijaciju zemljišta u svrhu izgradnje saobraćajnice za naselje Hrustići
10. Prijedlog Zaključka o davanju saglasnosti pravnom licu „Plan plus“ d.o.o. Zenica za brisanje zabrane otuđenja neizgrađenog zemljišta na parceli označenoj k.č. broj 290/520 iz zk.ul. br. 609 K.O. Zenica I, a na osnovu Ugovora o prodaji nekretnina broj: OPU-IP-2018-115 od 08.05.2018. godine
11. Prijedlog Rješenja o utvrđivanju prava vlasništva Mekić r. Hadžić Fati-Fatimi na gradskom građevinskom zemljištu označenom kao k.č.n.p. 1395/2 k.o. Ričice, kojem po starom premjeru odgovara k.č.s.p. 393/34 k.o. Ričice

12. Prijedlog Zaključka o davanju saglasnosti vlasnicima za upis hipoteke na nekretninama u Radnoj zoni Zenica I
13. Prijedlog Odluke o prodaji građevinskog zemljišta u vlasništvu Grada Zenica Alagić Aiši putem neposredne pogodbe
14. Prijedlog Odluke o prodaji građevinskog zemljišta putem neposredne pogodbe u K.O. Zenica III
15. Prijedlog Odluke o ustupanju u vlasništvo opreme za smještaj udruženjima na teritoriji Grada Zenica
16. Prijedlog za donošenje odluke o preuzimanju garažnih prostora u vlasništvo Grada Zenica

Nije bilo prijedloga za dopunu predloženog dnevnog reda. Na zahtjev predsjedavajućeg Vijeća, vijećnici su se izjasnili o Prijedlogu Dnevnog reda za 4. sjednicu Gradskog vijeća Zenica i isti usvojili sa 25 glasova "ZA", bez glasova „PROTIV“ i bez glasova „UZDRŽAN“.

TAČKA PRVA

- Zapisnik sa 3. sjednice Gradskog vijeća Zenica, održane 06.01.2021. godine

Zapisnik sa 3. sjednice Gradskog vijeća, na koji nije bilo primjedbi, usvojen je sa 25 glasova „ZA“, bez glasova „PROTIV“ i bez glasova „UZDRŽAN“.

TAČKA DRUGA

- Vijećnička pitanja i inicijative

Vijećnička pitanja postavili su i vijećničke inicijative podnijeli vijećnici: Elvir Purić, Aida Halać, Semir Huseinović, Denan Pašalić, Elmin Šabanović, Mirzet Skopljak, Adnan Šut, Osman Mehinagić, Kenan Alispahić, Nermin Mehić, Faruk Hodžić, Elvis Alijagić, Albin Ćatić, Ekrem Tuka, Mahdi Alić, Kenan Uzunović i Edisej Sjerotanović.

Usmeni odgovor na pitanja vijećnika Elvira Purića, Faruka Hodžića i Adnana Šuta dala je Sabira Helvida, pomoćnica Gradonačelnika za ekologiju, komunalne i inspekcijske poslove.

Napomena: Vijećnička pitanja i inicijative podneseni u pisanoj formi prosljeđuju se nadležnim gradskim službama i drugim subjektima putem dostavnih akata Stručne službe Gradskog vijeća, radi vjerodostojnosti postavljenog vijećničkog pitanja, odnosno podnesene inicijative.

TAČKA TREĆA

- Izvještaj o realizaciji projekata izgradnje, rekonstrukcije i održavanja cestovne infrastrukture za 2019. godinu

Izvještaj Komisije za prostorno planiranje i ekologiju vijećnicima je dostavljen pred sjednicu. Nije bilo potrebe za uvodnim napomenama.

U raspravi su učestvovali vijećnici: Sanjin Aldobašić, Nermin Mehić, Kenan Alispahić, Elvis Alijagić, Halil Arnaut, Semir Huseinović i Elvir Purić. Sabira Helvida, pomoćnica Gradonačelnika za ekologiju, komunalne i inspekcijske poslove dala je određena pojašnjenja.

Nakon rasprave, vijećnici su se najprije izjasnili o Izvještaju o realizaciji projekata izgradnje, rekonstrukcije i održavanja cestovne infrastrukture za 2019. godinu i isti usvojili sa 23 glasa „ZA“, bez glasova „PROTIV“ i sa 2 glasa „UZDRŽAN“, a zatim o prijedlogu zaključka vijećnika Nermina Mehića da se Plan ulaganja u putnu infrastrukturu za 2021. godinu dostavi na sjednicu Gradskog vijeća odmah poslije usvajanja gradskog budžeta, nakon što resorna služba dostavi dokumente službi

Gradskog vijeća, te navedeni prijedlog zaključka usvojili sa 25 glasova „ZA“, bez glasova „PROTIV“ i bez glasova „UZDRŽAN“.

TAČKA ČETVRTA

- a) Izvještaj o provedenom postupku javnog nadmetanja radi prodaje neizgrađenog građevinskog zemljišta u Radnoj zoni Zenica I
- b) Izvještaj o provedenom postupku (Ponovni javni konkurs) javnog nadmetanja radi prodaje neizgrađenog građevinskog zemljišta u Radnoj zoni Zenica I

Nije bilo potrebe za uvodnim napomenama.

U raspravi niko nije učestvovao.

Po zaključenju rasprave vijećnici su se na traženje predsjedavajućeg Vijeća izjasnili glasanjem o ovoj tački dnevnog reda i istu usvojili sa 25 glasova „ZA“, bez glasova „PROTIV“ i bez glasova „UZDRŽAN“.

TAČKA PETA

- Izvještaj o realizaciji ulaganja u oblast vodoprivrede na području Grada Zenica za 2019. godinu

Izvještaj Komisije za prostorno planiranje i ekologiju vijećnicima je dostavljen pred sjednicu.

Nije bilo potrebe za uvodnim napomenama.

U raspravi su učestvovali vijećnici: Elvir Purić, Nermin Mehić i Kenan Uzunović. Na pitanje vijećnika Elvira Purića odgovorila je Sabira Helvida, pomoćnica Gradonačelnika za ekologiju, komunalne i inspeksijske poslove.

Vijećnici su se najprije izjasnili o Izvještaju o realizaciji ulaganja u oblast vodoprivrede na području Grada Zenica za 2019. godinu i isti usvojili sa 21 glasom „ZA“, bez glasova „PROTIV“ i sa 4 glasa „UZDRŽAN“, nakon čega je predsjedavajući Vijeća formulisao prijedlog vijećnika Kenana Uzunovića iznesen tokom rasprave u prijedlog zaključka koji glasi: „Gradsko vijeće Zenica upućuje urgenciju prema Ministarstvu poljoprivrede, vodoprivrede i šumarstva Zeničko-dobojskog kantona da uvažava projekte i prijedloge, koji su delegirani od strane Grada Zenica i resorne službe za iskorištenje sredstava iz vodnih naknada, koja sljeduju Grad Zenica za ulaganje u oblasti vodoprivrede“.

Vijećnici su se izjasnili glasanjem o navedenom prijedlogu zaključka i isti usvojili jednoglasno sa 25 glasova „ZA“, bez glasova „PROTIV“ i bez glasova „UZDRŽAN“.

TAČKA ŠESTA

- a) Informacija o korištenju mjerne opreme i uređaja za monitoring kvalitete zraka sa prijedlogom ustupanja iste u trajno vlasništvo Univerzitetu u Zenici, OJ Institut Kemal Kapetanović
- b) Prijedlog Odluke o ustupanju u vlasništvo Univerzitetu u Zenici – Organizaciona jedinica Metalurški institut „Kemal Kapetanović“ stalnih sredstava Grada Zenica - mjerne opreme i uređaja za monitoring kvalitete zraka

Uvodne napomene dala je Sabira Helvida, pomoćnica Gradonačelnika za ekologiju, komunalne i inspeksijske poslove.

U raspravi su učestvovali vijećnici Sanjin Aldobašić i Kenan Uzunović. Sabira Helvida, pomoćnica Gradonačelnika za ekologiju, komunalne i inspeksijske poslove dala je određena dodatna pojašnjenja.

Vijećnici su se najprije izjasnili o Informaciji o korištenju mjerne opreme i uređaja za monitoring kvalitete zraka sa prijedlogom ustupanja iste u trajno vlasništvo Univerzitetu u Zenici, OJ Institut

Kemal Kapetanović i istu prihvatili sa 24 glasa „ZA“, bez glasova „PROTIV“ i bez glasova „UZDRŽAN“, a zatim o Prijedlogu Odluke o ustupanju u vlasništvo Univerzitetu u Zenici – Organizaciona jedinica Metalurški institut „Kemal Kapetanović“ stalnih sredstava Grada Zenica - mjerne opreme i uređaja za monitoring kvalitete zraka i isti usvojili 24 glasa „ZA“, bez glasova „PROTIV“ i bez glasova „UZDRŽAN“.

Predsjedavajući Vijeća je na prijedlog Kluba vijećnika SDP saopštio pauzu koja je trajala od 12.04 do 12.26 sati.

TAČKA SEDMA

- Prijedlog Odluke o utvrđivanju javnog interesa za uređenje korita rijeke Bosna u Zenici, dionica od željezničkog mosta u Lukovom Polju do mosta na magistralnom putu M-17, ukupne dužine 1900m

Izveštaj Komisije za propise vijećnicima je dostavljen pred sjednicu.

Uvodne napomene dao je Emir Delić, pomoćnik Gradonačelnika za imovinsko-pravne, geodetske poslove i katastar nekretnina.

U raspravi niko nije učestvovao.

Vijećnici su sa 23 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o utvrđivanju javnog interesa za uređenje korita rijeke Bosna u Zenici, dionica od željezničkog mosta u Lukovom Polju do mosta na magistralnom putu M-17, ukupne dužine 1900m.

TAČKA OSMA

- Prijedlog Odluke o utvrđivanju javnog interesa – izgradnja vodovoda Vrselje

Izveštaj Komisije za propise vijećnicima je dostavljen pred sjednicu.

Uvodne napomene dao je Emir Delić, pomoćnik Gradonačelnika za imovinsko-pravne, geodetske poslove i katastar nekretnina.

U raspravi niko nije učestvovao.

Vijećnici su sa 23 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o utvrđivanju javnog interesa za izgradnju vodovoda za naselje Vrselje – MZ „Vrselje“ Zenica.

TAČKA DEVETA

- Prijedlog Odluke o utvrđivanju javnog interesa za eksproprijaciju zemljišta u svrhu izgradnje saobraćajnice za naselje Hrustići

Izveštaj Komisije za propise vijećnicima je dostavljen pred sjednicu.

Nije bilo potrebe za uvodnim napomenama.

Vijećnici su sa 23 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o utvrđivanju javnog interesa za izgradnju vodovoda za naselje Vrselje – MZ „Vrselje“ Zenica.

TAČKA DESETA

- Prijedlog Zaključka o davanju saglasnosti pravnom licu „Plan plus“ d.o.o. Zenica za brisanje zabrane otuđenja neizgrađenog zemljišta na parceli označenoj k.č. broj 290/520 iz zk.ul. br. 609 K.O. Zenica I, a na osnovu Ugovora o prodaji nekretnina broj: OPU-IP-2018-115 od 08.05.2018. godine

Izvještaj Komisije za propise vijećnicima je dostavljen pred sjednicu.

Nije bilo potrebe za uvodnim napomenama.

U raspravi niko nije učestvovao.

Vijećnici su sa 23 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Zaključka o davanju saglasnosti pravnom licu „Plan plus“ d.o.o. Zenica za brisanje zabrane otuđenja neizgrađenog zemljišta na parceli označenoj k.č. broj 290/520 iz zk.ul. br. 609 K.O. Zenica I, a na osnovu Ugovora o prodaji nekretnina broj: OPU-IP-2018-115 od 08.05.2018. godine.

TAČKA JEDANAESTA

- Prijedlog Rješenja o utvrđivanju prava vlasništva Mekić r. Hadžić Fati-Fatimi na gradskom građevinskom zemljištu označenom kao k.č.n.p. 1395/2 k.o. Ričice, kojem po starom premjeru odgovara k.č.s.p. 393/34 k.o. Ričice

Izvještaj Komisije za propise vijećnicima je dostavljen pred sjednicu.

Nije bilo potrebe za uvodnim napomenama. Vijećnik Faruk Hodžić javio se za diskusiju i pozvao sugrađane koji su u sličnoj situaciji da podnesu zahtjev za rješavanje njihovog problema.

Vijećnici su se zatim izjasnili o Prijedlogu Rješenja o utvrđivanju prava vlasništva Mekić r. Hadžić Fati-Fatimi na gradskom građevinskom zemljištu označenom kao k.č.n.p. 1395/2 k.o. Ričice, kojem po starom premjeru odgovara k.č.s.p. 393/34 k.o. Ričice i isti usvojili sa 23 glasa „ZA“, bez glasova „PROTIV“ i bez glasova „UZDRŽAN“.

TAČKA DVANAESTA

- Prijedlog Zaključka o davanju saglasnosti vlasnicima za upis hipoteke na nekretninama u Radnoj zoni Zenica I

Izvještaj Komisije za propise vijećnicima je dostavljen pred sjednicu.

Nije bilo potrebe za uvodnim napomenama.

U raspravi niko nije učestvovao.

Vijećnici su sa 23 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Zaključka o davanju saglasnosti vlasnicima za upis hipoteke na nekretninama u Radnoj zoni Zenica I.

TAČKA TRINAESTA

- Prijedlog Odluke o prodaji građevinskog zemljišta u vlasništvu Grada Zenica Alagić Aiši putem neposredne pogodbe

Izvještaj Komisije za propise vijećnicima je dostavljen pred sjednicu.

Nije bilo potrebe za uvodnim napomenama.

U raspravi niko nije učestvovao.

Vijećnici su sa 23 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o prodaji građevinskog zemljišta u vlasništvu Grada Zenica Alagić Aiši putem neposredne pogodbe.

TAČKA ČETRANAESTA

- Prijedlog Odluke o prodaji građevinskog zemljišta putem neposredne pogodbe u K.O. Zenica III

Izvještaj Komisije za propise vijećnicima je dostavljen pred sjednicu.

Uvodne napomene dao je Emir Delić, pomoćnik Gradonačelnika za imovinsko-pravne, geodetske poslove i katastar nekretnina.

Za diskusiju se javio vijećnik Edisej Sjerotanović i iznio primjedbu na visinu procijenjene vrijednosti zemljišta određenu od strane sudskog vještaka. Emir Delić, pomoćnik Gradonačelnika za imovinsko-pravne, geodetske poslove i katastar nekretnina s tim u vezi dao je određena dodatna pojašnjenja.

Vijećnici su se zatim izjasnili o Prijedlogu Odluke o prodaji građevinskog zemljišta putem neposredne pogodbe u K.O. Zenica III i isti usvojili sa 23 glasa „ZA“, bez glasova „PROTIV“ i bez glasova „UZDRŽAN“.

TAČKA PETNAESTA

- Prijedlog Odluke o ustupanju u vlasništvo opreme za smještaj udruženjima na teritoriji Grada Zenica

Prije prelaska na uvodne napomene, Almira Baručija Kapidžić, rukovodilac Službe kabineta Gradonačelnika informisala je vijećnike i mjesne zajednice o tome da će gradonačelnik u mjesecu februaru zajedno s resornim službama obići svaku mjesnu zajednicu u svrhu prikupljanja prioriternih projekata koji će se raditi ove godine, te pozvala sve mjesne zajednice da pripreme navedene projekte, kako bi blagovremeno bio usvojen Plan infrastrukturnih projekata i provedene tenderske procedure.

Nakon uvodnih napomena za diskusiju se javio vijećnik Faruk Hodžić i postavio pitanje na koje je odgovorila Almira Baručija Kapidžić, rukovodilac Službe kabineta Gradonačelnika.

Vijećnici su se zatim izjasnili o Prijedlogu Odluke o ustupanju u vlasništvo opreme za smještaj udruženjima na teritoriji Grada Zenica i isti usvojili sa 23 glasa „ZA“, bez glasova „PROTIV“ i bez glasova „UZDRŽAN“.

TAČKA ŠESNAESTA

- Prijedlog za donošenje odluke o preuzimanju garažnih prostora u vlasništvo Grada Zenica

Uvodne napomene za ovu tačku dnevnog reda dala je Armela Beganović, zamjenica Gradskog pravobranioca.

Nakon uvodnih napomena za diskusiju se javio vijećnik Sanjin Aldobašić i postavio pitanje na koje je odgovorila Armela Beganović, zamjenica Gradskog pravobranioca.

Vijećnici su se zatim izjasnili o Prijedlogu za donošenje odluke o preuzimanju garažnih prostora u vlasništvo Grada Zenica i isti usvojili sa 24 glasa „ZA“, bez glasova „PROTIV“ i bez glasova „UZDRŽAN“.

Sjednica je zaključena i završila s radom u 12.55 sati.

Sastavni dio ovog zapisnika je audio zapis, pohranjen u Stručnoj službi Gradskog vijeća, na osnovu kojeg vijećnici mogu izvršiti uvid u diskusiju sa sjednice Vijeća.

PREDSJEDAVAJUĆI
GRADSKOG VIJEĆA ZENICA
Almir Babajić

